

▲ 题图 南宋 马远 水图之云舒浪卷

本期主持：Ruby

范云（451年－503年），字彦龙，南朝梁文学家，南乡舞阴（今河南省淅川县李官桥镇一带）人，历仕齐、梁二朝，为竟陵八友之一。

---

## 01

### 贈張徐州稷

田家樵採去，薄暮方來歸。  
還聞稚子說，有客款柴扉。  
僮從皆珠玳，裘馬悉輕肥。  
軒蓋照墟落，傳瑞生光輝。  
疑是徐方牧，既是復疑非。  
思舊昔言有，此道今已微。  
物情棄疵賤，何獨顧衡闥？  
恨不具雞黍，得與故人揮。  
懷情徒草草，淚下空霏霏。  
寄書雲間鴈，為我西北飛。

## 02

### 別詩 其一

洛陽城東西，長作經時別。  
昔去雪如花，今來花似雪。

## 03

### 送沈記室夜別

桂水澄夜氛，楚山清曉雲。  
秋風兩鄉怨，秋月千里分。  
寒枝寧共采，霜猿行獨聞。  
捫蘿忽遺我，折桂方思君。

## 04

### 效古

寒沙四面平，飛雪千里驚。  
風斷陰山樹，霧失交河城。  
朝馳左賢陣，夜薄休屠營。  
昔事前軍幕，今逐嫖姚兵。

失道刑既重，遲留法未輕。  
所賴今天子，漢道日休明。

## 05

### 送別詩

東風柳線長。送郎上河梁。  
未盡樽前酒。妾淚已千行。  
不愁書難寄。但恐鬢將霜。  
望懷白首約。江上早歸航。

## 06

### 之零陵郡次新亭詩

江干遠樹浮，天末孤煙起。  
江天自如合，煙樹還相似。  
滄流未可源，高飄去何已。

## 07

### 詠桂樹詩

南中有八樹，繁華無四時。  
不識風霜苦，安知零落期。

## 08

### 擬古

匣中一明鏡。好鑒明鏡光。  
明鏡不可鑒。一鑒一情傷。